



20 AUGUSTUS 2021

EREDIENSTE

Sondag 22 Augustus 2021

Eredienste word in die kerk, kapel en aanlyn aangebied en 50 persone word per diens in die kerk en 20 persone in die kapel toegelaat. Geen besprekings is nodig nie. Die oorfloei van kerkgangers word in die kleinsaal geakkommodeer. Besoek www.stellenberg.co.za of die gemeente se YouTube-kanaal om na die aanlyn dienste te kyk.

Oggenddiens 08:30 in die kerk en aanlyn | Ds. Callie Visagie

Meditatiewe diens 09:00 in die kapel en aanlyn | Ds. Philipp Dietmann

Familiediens 09:30 in die kerk en aanlyn | Ds. René Potgieter

Relevantdiens 18:00 in die kerk en aanlyn | Ds. Hanno Ackerman

MET LEEDWESE

- Albertus Johannes (Albertus) Gouws (27/11/1950 - 19/08/2021). Albertus was sedert 1976 'n meelewende lidmaat van die gemeente. Hy was 'n eredienswerker en altyd betrokke by die basaar en feesgeleenthede. Gedenkdienstreëlings is nog nie bekend nie. Ons meegevoel met die familie wat hy agterlaat.
- Ian Potgieter (01/10/1957 - 16/08/2021). Ian was sedert 1984 'n meelewende lidmaat van die gemeente en laat sy vrou, Susan, asook sy twee kinders Lizelle en Anton agter. Gedenkdienstreëlings is nog nie bekend nie.
- Sutcliffe Charl (Charl) Strutt (21/10/1988-18/08/2021). Charl het in die gemeente grootgeword en was lank by die musiekbediening betrokke. Ons opregte meegevoel met Rose, sy ma, wat voorheen kassiere in die kerkkantoor was asook Ilse, sy suster wat hy agterlaat. Sy gedenkdienstreëlings is slegs aanlyn op Vrydag 27 Augustus om 14:00. Volg die diens deur dié skakel <https://youtu.be/SF3i-LmNXi8>

KONTAK ONS

021 976 4519

081 045 2428

navrae@stellenberg.co.za

www.stellenberg.co.za

STELLENBERGER

FEESUITGAWE

Ter viering van die gemeente se 50ste bestaansjaar is 'n spesiale feesuitgawe van die Stellenberger saamgestel. Lees die uitgawe op www.stellenberg.co.za. Harde kopieë van die feesuitgawe is in die voorportaal van die kerk, asook by die kerkkantoor beskikbaar. Dié uitgawe kan weksdae tussen 08:00 en 14:00 by die kerkkantoor afgehaal word.



KATEGESE: ANNIBRAND

Junior kategese is Sondae vanaf 10:15 tot 11:00. Groepe sal tot 50 persone per groep beperk word.

- Graad 1 tot 3 kom in die kleinsaal byeen.
- Graad 4 tot 6 kom in die ou kafeteria byeen.

Annibrand Senior: Tieners word uitgenooi om die jeugdiens in die kerk om 18:00 by te woon. Gespreksgroepe volg vanaf 18:45.

KLIPHEUWELPROJEK | OMGEEBOKSE

Met die kanselering van uitreike het die jeugbediening besluit om by die nood nader aan ons gemeentegrense betrokke te raak. Om uit te reik oor grense heen, verwys veral nou, meer as ooit, na grense nader aan ons. Die jeugbediening besoek elke Donderdagmiddag die informele nedersetting in Klipheuwel, waar 'n tuiswerkondersteuningsprogram by die *Klippies Kids*-skool aangebied word. Die kinders van *Klippies Kids* het min ondersteuningsnetwerke wat hulle met die suksesvolle voltooiing van hulle skoolloopbane kan help.

Kinders ontvang ook weekliks iets te ete by die tuiswerkhulpklasse. Ons nooi volwassenes en tieners wat aan hierdie projek wil deelneem, om Donderdae saam met ons by Klipheuwel besoek af te lê. Ons vertrek elke Donderdagmiddag om 15:00 vanaf die kerkterrein.

Tydens Augustus- en Septembermaand wil ons graag iets ekstra vir die kinders doen. Ons versoek lidmate om bokse saam te stel – vir seuns of dogters – bestaande uit die volgende produkte:

- Deodorant en seep
- Haarsjampoe en opknapper (*conditioner*)
- 'n Boksie kitssoep
- 'n Pak meliemeel
- 'n Boksie sojamaalvleis
- Sanitêre doekies
- 'n Folioblok, pen, potlood en uitveër. Gee bydraes, of verpakte bokse, asseblief voor 30 September by die kerkkantoor af.

STELLENBERG ONDERSTEUNING- SENTRUM

SOS bied berading en mediasiedienste deur professionele persone aan. Spraak- en arbeidsterapeute, 'n besigheids- en lewensafrieter, asook 'n musiekterapeut se dienste word aangebied. Maak gerus 'n afspraak by 021 976 8029 (09:00 tot 13:00) of stuur 'n e-pos na sos@stellenberg.co.za.

Na-ure skakel

083 519 0602.

KYK NA DIE EREDIENS OP JOU SELFOON

WhatsApp, of stuur 'n Telegramboodskap na 081 045 2428 met jou naam + van + aanlyn eredienste. Jy sal dan weekliks die skakel na die aanlyn diens per WhatsApp/Telegram op jou selfoon ontvang.

BYBELSKOOLKURSUS

'n Geloof wat groei | 5 Sessies deur ds. Breytenbach

Tydens die derde kwartaal fokus eredienste op Koninkrykstyding wat na 'n groeifase in die kerkjaar verwys. In die lig hiervan bied die Bybelskool 'n reeks sessies aan wat aan geloofsgroei aandag skenk. Die volgende gaan bespreek word:

- Wat beteken dit om vandag jou geloof in God te bely?
- Hoe raak en verander so 'n belydenis my lewe?
- Hoe hanteer ons mense binne die kerk wat verskillend glo?
- Wat van mense wat van hulle geloof afstand gedoen het?

Ons gaan die storie van geloof, soos verwoord in die Bybel en deur die kerk se geskiedenis in Belydenisskrifte, volg en aandag skenk aan hoe dit jou eie lewe raak wanneer 'n mens bely: "Ek glo".

Die kursus begin Maandag 30 Augustus om 19:00 in die kerkgebou en sal ook aanlyn beskikbaar wees. Die opvolgdatums is Maandag 6 Sept., Dinsdag 14 Sept., Maandag 20 Sept. en Maandag 27 Sept. Indien jy die sessies fisies wil bywoon, bespreek by Karin Barter, karin@stellenberg.co.za of 021 976 4519. 'n Donasie van R30 kan gemaak word om die koste van die notas te dek.

DAGSTUKKE EN BULLETIN OP SELFOON

Daaglikse stembodskappe deur leraars op jou selfoon

Indien jy graag na die daaglikse stemopname deur leraars op jou selfoon wil luister, stuur asb. 'n WhatsApp of 'n Telegrambodskaap met jou naam+van+stembodskaap na 081 045 2428. Geen gemorspos word na die groep gestuur nie, slegs die stembodskappe.

Die bulletin asook die skakel na die aanlyn oggenddiens op jou selfoon. Ontvang die bulletin asook die skakel na die aanlyn erediens **elke Vrydag** op jou selfoon. Sodoende kan jy na die preek op jou selfoon kyk. Stuur asb. 'n WhatsApp of 'n Telegrambodskaap met jou naam+van+bulletin na 081 045 2428.

EDELWEISS BYBELSTUDIE

Donderdag 26 Aug.
14:30 in die eetsaal
Jeremia 1: Geroep en gevorm vir gevaar!

GEBEDSVERSOEKE

Gebedsversoeke kan aan ds. René Potgieter by 079 893 8104 gestuur word.

GEESTELIKE DAGSTUKKE

Geestelike dagstukke, voorberei deur gemeenteleraars, bestaande uit 'n stembodskaap en 'n geskrewe dagstuk, is daagliks op www.stellenberg.co.za beskikbaar of op die gemeente se Facebook- en Instagrambladsye.

BREIGROEP

Die breigroep kom op Maandag 6 September om 09:30 in die markplein bymekaar.

FEESMARK | PAKKERS EN KASSIERE

Aansoeke om as pakkers, kassiere of vloerbestuurders by die feesmark te werk, is nou oop. Aansoekvorms kan van www.stellenberg.co.za afgelaai word. Stuur voltooide aansoekvorms so spoedig moontlik na feesmark@stellenberg.co.za.

BEROEPING VAN 'N NUWE LERAAR

Johan Visser het die beroep na Stellenberg-gemeente aanvaar en sal vanaf 1 Februarie 2022 in die gemeente werksaam wees. Hy is 39 jaar oud, getroud met Nicola ('n maatskaplike werker) en hulle het drie kinders. Hy is sedert 2016 medeleraar in die Woodland Hills Gemeenskapskerk (NGK) in Bloemfontein waar hy op jeug- en familiebediening gefokus het. Hy dien ook op JONK Vrystaat en is aktief betrokke by #Imagine. Sy kwalifikasies sluit 'n MDiv (met die fokus op jongvolwassene-bediening) en twee nagraadse diplomas in teologie in. Sy werksondervinding sluit die volgende in:

Jeugwerker NG kerk Brackenfell Moedergemeente – 3 jaar

Jeugwerker Presbyterian Church George – 2 jaar

Jeugwerker NG kerk Paarlberg – 6 jaar (terwyl hy studeer het)

Jeugwerker NG kerk Suider-Paarl – 1 jaar

Medeleraar Woodland Hills Gemeenskapskerk – 5 jaar

FINANSIËLE BYDRAES

Leraars en die kerkraad is opreg dankbaar teenoor lidmate wat die gemeente se werksaamhede finansiëel ondersteun, te midde van die finansiële uitdagings wat die Covid-19-pandemie ook aan lidmate stel. Bydraes kan soos volg gemaak word:

EFT-betaling

Dit kan oorbetaal word na ABSA-tjekrekening 145 058 0011, takkode 632005.

Kontantbydraes

Kan by die kerkkantoor inbetaal word, of in die beveiligde posbus op die kerkkantoor se stoep gegooi word.

SnapScan



GEMEENTE-SELFOON

Die gemeente het nou 'n selfoonnommer

081 045 2428.

Navrae kan per WhatsApp of Telegram-boodskap na dié nommer gestuur word.

ELEKTRONIESE NUUS

Maak seker dat jy elektroniese nuus van die gemeente ontvang.

Jy kan die bulletin, asook die skakel na die aanlyn eredienste weekliks per e-pos ontvang, asook die gemeente se maande-

likse nuusblad,

Stellenberger. Stuur

jou e-posadres na sanel@stellenberg.co.za

om op die verspreidingslys geplaas te word.